

卷五湯方目

麥冬湯

桂枝加厚朴杏子湯

麻黃杏仁甘草石膏湯

定喘湯

皺肺丸

清燥救肺湯

以上

雞矢醴方

防已茯苓湯

甘草麻黃湯

麻黃附子湯

桂枝

去芍藥加麻黃細辛附子湯

枳朮湯

蒲灰散

已椒

薤黃圓

牡蠣澤瀉散

大腹水腫方

麻豆湯

十水丸

舟車神祐方

大聖瀉川丸

木香散

葶藶丸

療水病洪腫氣脹不消食方

療患氣兼水身

面腫垂死方

五香散

五皮散

治蠱脹方

敷

商

卷五

湯方目

一

藥 沉香琥珀丸 調榮飲 烏鯉魚湯 小胃丹

煨腎散 禹餘糧丸 以上臟脹水腫 甘草乾薑湯 桂枝去

芍藥加皂莢湯 韋莖湯 桔梗白散 以上肺痿 血枯方

柏葉湯 瀉心湯 滋血潤腸湯 治吐血百治不瘥

療十疰神驗不傳方 犀角地黄湯 犀角地黄湯

四生丸 白芨枇杷丸 皮膚血汗方 汗血方

諸竅出血方 療舌上出血如孔鑽者 療舌血不止

紫霜丸 療齒斷血出 療酒醉牙齒涌血 雄

黃麝香散 治牙縫出血 黃連散 療滿口齒血出

治牙宣方

療鼻瀝血三升氣欲絕方

茅花湯

地黄散

療淋血方

療小便出血方

瞿麥散

神效方

髮灰散

玉屑散

鹿角膠丸

黃土

湯

赤小豆當歸散

牛角鯁灰散

猪臟丸

又

猪臟丸

以上諸血

茱萸湯

生薑瀉心湯

半夏瀉心湯

黃芩加半夏生薑湯

猪苓散

大半夏湯

大黃甘草

湯

茯苓澤瀉湯

文蛤湯

生薑半夏湯

半夏

乾薑散

葛根加半夏湯

橘皮湯

橘皮竹茹湯

黃連湯

昆布丸

關格不通方

千金理諸噎方

又方 中風客熱噦方 嘔噦方 消穀丸

卒噦 廣濟栴榔散 崔氏方 深師治噎方 反

胃方 丁香柿蒂湯 治冷呃方 撞氣阿魏丸以上噎膈

嘔吐温脾湯 訶梨勒丸 香茸丸 固腸丸 附子

理中丸以上泄瀉

蘭臺軌範卷五

吳江徐靈胎洄溪著

喘

素問

經脉別論夜行則喘出於腎淫氣病肺有所墮恐喘出於肝淫氣
害脾有所驚恐喘出於肺淫氣傷心度水跌仆喘出於腎與骨當
是之時勇者氣行則已怯者則着而爲病也 陽明脉解篇陽明
厥則喘而惋惋則惡人帝曰或喘而死或喘而生者何也岐伯曰
厥逆連臍則死連經則生 脉要精微論肝脉搏堅而長因血在

脇下令人喘逆 逆調論腎者水臟主津液主卧與喘也此句又為喘之

總訣生氣通天論因於暑汗煩則喘喝靜則多言 陰陽別論陰爭

於內陽擾於外魄汗未藏四逆而起起則熏肺使人喘鳴 水熱

穴論水病者下為肘腫大腹上為喘呼不得卧者標本俱病故肺

為喘呼腎為水腫肺為逆不得卧

金匱

上氣面浮腫肩息其脉浮大不治又加痢尤甚

喘方

麥冬湯金匱 火逆上氣咽喉不利止逆下氣此主之

麥冬七升 半夏一升 人參 甘草各二兩 粳米三合 大棗十二枚

右六味以水一斗二升煮取六升溫服一升日三夜一服此即竹葉

石膏湯去竹葉石膏加大棗也專清肺胃之火若火逆甚仍用竹葉石膏為妙

桂枝加厚朴杏子湯傷寒論 喘家主之

於桂枝湯方內加厚朴二兩 杏仁五十個 餘依前法去皮尖

麻黃杏仁甘草石膏湯傷寒論 發汗後不可更行桂枝湯汗出而喘

無大熱者此湯主之

麻黃四兩 杏仁五十個 甘草二兩 石膏半斤 碎綿裹

右四味以水七升先煮麻黃減二升去上沫內諸藥煮取二升

去滓温服一升即越婢湯加杏仁去薑棗

定喘湯振生方治肺寒膈熱哮喘

麻黃 欵冬花 半夏 桑皮各三錢 蘓子二錢

仁一錢五分 白果二十一枚碎炒 黃芩 甘草各一錢

右以水煎徐徐服

皺肺丸 治喘

欵冬花 知母 秦艽 百部去心 紫苑 貝母

阿膠 糯米炒各一兩 杏仁另研四兩

右為末將羊肺一具先以水灌洗看容得水多少即更添些煮

杏仁令沸瀘過灌入肺中繫定以糯米泔煮熱研爛成膏搜和
前藥末杵數千下丸梧子大每服五十丸食前桑白皮煎湯下

清燥救肺湯

治臍鬱喘嘔

桑葉

三錢經霜者

石膏

二錢半炒

甘草

一錢

胡麻仁

一錢炒研

阿膠

八分

人參

七分

麥冬

一錢二分

杏仁

七分去皮尖炒黃

枇杷葉

一片去毛蜜炙

右九味以水一碗煎六分頻頻二三次滾熱服

小青龍加石膏湯

越婢加半夏湯

俱見咳嗽

按此二方為喘病之主方其餘眾方意不能外此即有他法必有別因當隨症增減也

麻黃湯

見傷寒

資生腎氣丸

瀉白散

錢乙

黑錫丸

俱見通治

按黑錫丸鎮納元氣爲治喘必備之藥當蓄在平時非一時所能驟合也

臑脹水腫

靈素

靈脹論黃帝問曰願聞脹之舍岐伯曰夫脹者皆在於臟腑之外

四字總括明透

排臑腑而郭胸脇脹皮膚故命曰脹帝曰未解其意岐伯

曰夫胸腹臑腑之郭也臑中者心主之宮城也胃者太倉也咽喉

小腸者傳送也胃之五竅者閭里門戶也廉泉玉英者津液之道

也故五臟六腑者各有畔界其病各有形狀營氣循脉衛氣逆爲

脉脹衛氣並脉循分爲膚脹 水脹篇黃帝問於岐伯曰水與膚

脹臃脹腸覃石瘕石水何以別之岐伯答曰水始起也目窠上微
腫如新卧起之狀其頸脉動時欬陰股間寒足脛痠腹乃大其水
已成矣以手按其腹隨手而起如裹水之狀此其候也黃帝曰膚
脹何以候之岐伯曰膚脹者寒氣客於皮膚之間蹙蹙然不堅腹
大身盡腫皮厚按其腹窅而不起腹色不變此其候也臃脹何如
岐伯曰腹脹身皆大與膚脹等也色蒼黃腹筋起此其候也腸
覃何如岐伯曰寒氣客於腸外與衛氣相搏氣不得榮因有所繫
癖而內着惡氣乃起瘕肉內生其始生也大如雞卵稍以益大至
其成如懷子之狀久者離歲按之則堅推之則移月事以時下此

其候也石痕何如岐伯曰石痕生於胞中寒氣客於子門子門閉塞氣不得通惡血當瀉不瀉則留止日以益大狀如懷子月事不以時下皆生於女子可導而下 陰陽別論云陰陽結邪多陰

少陽曰石水少腹腫 邪氣臟腑病形篇督脉微大為石水起臍

已下至小腹睡睡然上至胃腕死不治 水為有形之物故按之即起膚脹為無形之氣故按

之不起腸覃乃腸外惡氣所結故月事仍下石痕乃胞中惡血所凝故月事不行各有定理也至石水則在少腹之中水結不散之

症若臖脹則非氣非水臖腑皮肉俱堅腫邪盛正衰難為治矣

素腹中論黃帝問曰有病心腹滿且食則不暮食此為何病岐伯

對曰名為臖脹帝曰治之奈何岐伯曰治之以雞矢醴一劑知二

劑已 水熱穴論黃帝問曰少陰何以主腎腎何以主水岐伯對
曰腎者至陰也至陰者盛水也肺者太陰也少陰者冬脉也故其
本在腎其末在肺皆聚水也 腎者胃之關也關門不利故聚水
而從其類也故凡水病下爲臍腫大腹上爲喘呼不得卧者標本
俱病 氣厥論肺移寒於腎爲涌水涌水者按腹不堅水氣客於
大腸疾行則鳴濯濯如囊裏漿水之病也 陰陽應象大論濁氣
在上則生臃脹

金匱

師曰病有風水有皮水有正水有石水有黃汗風水其脉自浮外

證骨節疼痛惡風皮水其脉亦浮外證肘腫按之没指不惡風其
腹如鼓不渴當發其汗正水其脉沉遲外證自喘石水其脉自沉
外證腹滿不喘黃汗其脉沉遲身發熱胸滿四肢頭面腫久不愈
必致癰膿 脉浮而洪浮則爲風洪則爲氣風氣相搏風強爲隱
疹身體爲痒痒爲泄風久爲痲癩氣強則爲水難以俛仰風氣相
擊身體洪腫汗出乃愈惡風則虛此爲風水不惡風者小便通利
上焦有寒其口多涎此爲黃汗 寸口脉沉滑者中有水氣面目
腫大有熱名曰風水視人之目裹上微擁如蠶新卧起狀其頸脉
動時時咳按其手足上陷而不起者風水 太陽病脉浮而緊法

當骨節疼痛反不疼身體反重而酸其人不渴汗出卽愈此爲風水惡寒者此爲極虛發汗得之渴而不惡寒者此爲皮水身腫而冷狀如周痺胸中窒不能食反聚痛暮躁不得眠此爲黃汗痛在骨節欬而喘不渴者此爲肺脹其狀如腫發汗卽愈然諸病此者渴而下利小便數者皆不可發汗 裏水者一身面目黃腫其脉沉小便不利故令病水假如小便自利此亡津液故令渴也越婢加白朮湯主之 少陰脉繁而沉緊則爲痛沉則爲水小便卽難脉得諸沉當責有水身體腫重水病脉出者死 夫水病人目下有卧蠶面目鮮澤脉伏其人消渴病水腹大小便不利其脉沉絕

者有水可下之 問曰病下痢後渴飲水小便不利腹滿因腫者何也答曰此法當病水若小便自利及汗出者自當愈 心水者其身重而少氣不得卧煩而躁其人陰腫 肝水者其腹大不能自轉側脇下腹痛時時津液微生小便續通 肺水者其身腫小便難時時鴨溇 脾水者其腹大四肢苦重津液不生但苦少氣小便難 腎水者其腹大臍腫腰痛不得溺陰下濕如牛鼻上汗其足逆冷面反瘦師曰諸有水者腰以下腫當利小便腰以上腫當發汗乃愈 師曰寸口脉沉而遲沉則爲水遲則爲寒寒水相搏跌陽脉伏水穀不化脾氣衰則鶩溇胃氣衰則身腫少陽脉卑

少陰脉細男子則小便不利婦人則經水不通經爲血血不利則爲水名血分 師曰寸口脉遲而濇遲則爲寒濇爲血不足跌陽脉微而遲微則爲氣遲則爲寒寒氣不足則手足逆冷手足逆冷則榮衛不利榮衛不利則腹滿脇鳴相逐氣轉膀胱榮衛俱勞陽氣不通卽身冷陰氣不通卽骨疼陽前通則惡寒陰前通則痺不仁陰陽相得其氣乃行大氣一轉其氣乃散實則失氣虛則遺溺

名曰氣分

氣分非水病但此病無所附因血分而類及之也然金匱云氣分心下堅大如盤水飲所作則氣分似爲水在

氣中之病

病源

水分候 水分者言腎氣虛弱不能制水令水氣分散流布四肢故云水分但四肢皮膚虛腫聶聶而動者名水分也

燥水候 燥水謂水氣溢於皮膚因令腫滿以指畫肉上則隱

成文字者名曰燥水也

水腫之病干頭萬緒雖在形體而實內連臟腑不但難愈即愈最易復病復即更難再愈所以內經針水病之穴多至百外而調養亦須百日反不若臞脹之症一愈可以不發治此症者非醫者能審定病症神而明之病者能隨時省察潛心調攝鮮有獲全者

臞脹水腫方

此卷載水腫之方最備但病情不同各有所宜當細辨之

雞矢醴方

素問

治心腹滿且食不暮食

羯雞矢八合研炒焦無灰酒三碗

右共煎乾至一半許用布濾取汁五更熱飲則腹鳴辰巳時行
二三次皆黑水也次日覺足面漸有縐紋又飲一次則漸縐至
膝上而病愈矣

防已茯苓湯金匱皮水為病四肢腫水氣在皮膚中四肢聶聶動

者主之

防已 黃芪 桂枝各三兩甘草二兩茯苓六兩

右五味以水六升煮取二升分溫三服

甘草麻黃湯金匱裏水主之

甘草 二兩 麻黃 四兩

右二味以水五升先煮麻黃去上沫內甘草煮取三升溫服一升重覆汗出不汗再服慎風寒

麻黃附子湯

金匱

水之為病其脉沉小屬少陰浮者為風無水虛

脹者為氣水發其汗即已脉沉者宜麻黃附子湯浮者宜杏子

湯

金匱注云杏子湯未見恐是麻黃杏仁甘草石膏湯

麻黃

三兩

甘草

二兩

附子

一枚 泡

右三味以水七升先煮麻黃去上沫內諸藥煮取二升半溫服

八分日三服

發汗為治水要訣此乃發腎水之汗也

桂枝去芍藥加麻黃細辛附子湯金匱氣分心下堅大如盤邊如

旋杯水飲所作此方主之

桂枝 生薑各三兩甘草二兩大棗十二枚麻黃 細辛各二兩

附子一枚泡

右七味以水七升先煮麻黃去上沫內諸藥煮取二升分溫三

服當汗出如虫行皮中即愈

枳朮湯金匱心下堅大如盤邊如旋盤水飲所作此方主之

枳實七枚白朮二兩

右二味以水五升煮取三升分溫三服腹中硬即散

蒲灰散 金匱 治水便不利

蒲灰 七分 滑石 三分

右二味杵為散飲服方寸七日三服

已椒蔕黃圓 金匱 腹滿口舌乾燥此腸閒有水氣此主之

防已 椒目 葶蔕 熬 大黃 各一兩

右四味末之密丸如桐子大先食飲服一九日三服稍增口中

有津液渴者加芒硝半兩 此治腸閒之水外症不必有水象也

牡蠣澤瀉散 傷寒論 大病瘥後從腰以下有水氣者主之

牡蠣 熬 澤瀉 栝蔞根 蜀漆 洗去腥 葶蔕 熬 商陸根

熬

海藻

洗去鹹
各等分

右七味異搗下篩為散更入白中治之白飲和服方寸七小便

利止後服日三

大腹水腫方

千金

治氣息不通命在旦夕者

牛黃

二分

椒目

三分

昆布

海藻

牽牛子

桂心

各八

分葶藶

六分

右七味為末別搗葶藶如膏合和丸如桐子飲服十九日二稍

加小便利為度正觀九年漢陽王患水醫所不治余處此方曰

夜尿一二斗五六日即瘥

麻豆湯 千金翼

治遍身腫小便澀者

麻黃 二升

烏豆 一斗以水四斗煮取汁一斗

桑根白皮 切五升

右三味以豆汁內藥煮取六升一服一升日二服三日令盡

多不能

取效

十水丸 千金翼

第一之水先從面目腫遍一身名曰青水其根在肝大戟主之

第二之水先從心腫名曰赤水其根在心葶藶主之

第三之水先從腹腫名曰黃水其根在脾甘遂主之

第四之水先從脚腫上氣而欬名曰白水其根在肺藜蘆本主之

第五之水先從足趺腫名曰黑水其根在腎連翹主之

第六之水先從面至足腫名曰元水其根在胆芫花主之

第七之水先從四肢起腹滿大身盡腫名曰風水其根在胃澤漆主之

第八之水先四肢小腫其腹獨大名曰石水其根在膀胱桑根白皮主之

第九之水先從小腸滿名曰暴水其根在小腸巴豆主之

第十之水乍盛乍虛乍來乍去名曰氣水其根在大腸赤小豆主之

右十病藥皆等分與病狀同者則倍之白蜜和先食服一丸如

小豆日三欲下病者服三丸弱者當以意節之

十水之名病源亦詳載其狀今立此十方想當時本有此分別也姑存之

舟車神祐方 河間 治水腫水脹形氣俱實者

黑牽牛 四兩

大黃 二兩

甘遂 一兩

麩 一兩

橘紅

大戟 麩裏

芫花

醋炒青皮 炒各一兩

木香 五錢

檳榔 五錢

輕粉 一錢

右為末水丸每服五分五更滾水下大便利三次為度若一二
次不通利次日漸加至一錢若服後大便利四五次或形氣不
支則減其服三分二分俱可或隔一二三日服一次以愈為度

甚者忌鹽醬百日

大聖濬川丸

類方

大黃

牽牛

郁李仁

各一兩

木香

芒硝

各三錢

甘遂

半錢

右為末蜜丸桐子大諒人虛實服之

此下水之峻劑

木香散

類方

治單腹脹

木香

青皮

白朮

薑黃

豆蔻

各半兩

阿魏

華澄茄

各一兩

右為末醋丸如豆大每服二十九薑湯送下

葶蘆丸

外臺

治水腫及脚并虛腫

葶蘆丸

葶蘆丸

水腫

三

葶藶子 半兩

牽牛子 半兩生熟各半

澤漆葉

海藻 洗去鹽炙

昆布

如上 桑根白皮 炙

甘遂 熬

椒目

郁李仁 各三分

桂心 一分

右為末蜜丸桐子大一服十五丸日再加至二十九

療水病洪腫氣脹不消食方 外臺

香薷內釜中以水淹之出香薷上數寸煮濃汁去滓煎令可丸

桐子大服五丸日三小便多為度 又一丸法

療患氣兼水身面腫垂死方 外臺

桑白皮

茯苓

郁李仁 各四兩

橘皮 二兩

海藻 三兩洗

赤小豆 一升

右六味以水八升煮二升半分三服

五香散

局方

升降諸氣宣利三焦疏導壅滯發散邪熱治陰陽之

氣鬱結不消諸熱蘊毒腫痛結核中腕不快心腹脹滿

木香

丁香

沉香

乳香

藿香

等分

右為粗末每服三錢水一盞半煎八分去滓食後溫服

此方治氣分亦宜

五皮散

局方

治風濕客於脾經氣血凝滯以致面目虛浮四肢腫

滿心腹膨脹上氣促急兼治皮水姪娠胎水

五加皮

地骨皮

生薑皮

大腹皮

茯苓

等分

右五味每三錢水煎熱服一方加白朮磨沉香木香

治蠱脹方雜抄

大麥粉五錢

敷藥類方治腹滿堅硬如石陰囊腫大先用甘草嚼後用此

大戟 芫花 甘遂 海藻各等分

右為末用醋調麩和覆貼腫處仍以軟綿裹住

沉香琥珀丸 治水腫一切急難症小便不通

琥珀 杏仁 紫蘇 赤茯苓 澤瀉各五錢 葶藶

郁李仁去皮尖 沉香各一兩半 陳皮 防己各七錢半

右為末蜜丸如梧子大以麝香為衣每服二十五丸加至五十

九空心人參湯送下量虛實加減之

調榮飲 治瘀血流滯血化為水四肢浮腫皮血赤紋名血分

蓬朮 川芎 當歸 元胡索 檳榔 陳皮

赤芍 桑皮炒 大腹皮 赤茯苓 葶藶 瞿

麥各一錢 大黃一錢五分 細辛 官桂 甘草各五分

右以薑棗水煎服血分之病金匱有病無方此為至當

烏鯉魚湯類方 治水氣四肢浮腫

烏鯉魚 赤小豆 桑皮 白朮 陳皮各三錢 葱白

五根

右以水三碗同煮不可入鹽先吃魚後服藥不拘時

小胃丹 丹溪

芫花

醋炒過一宿瓦器內不任手攪炒令黑不可焦一兩半

甘遂

麵裹長流水浸半月煮曬乾一兩半

大黃

紙裏煨勿令焦焙乾切以酒浸炒熟焙乾一兩半

大戟

長流水煮一時再用水洗曬乾五錢

黃柏

三兩炒

右為末以白朮膏丸如蘿蔔子大臨卧津液吞下或白湯下取

膈上濕痰熱積以意消息之欲痢空心服 一方加木香檳榔

各半兩

此即十棗湯加大黃黃柏

煨腎散

治腎家水腫

甘遂

三錢

獾猪腰子

一個

右細批破少鹽椒淹透摻藥末上荷葉包裹煨燒熟温酒嚼服

之

禹餘糧丸

治十種水氣脚膝腫上氣喘滿小便不利但是水

氣悉皆治之許學士及丹溪皆云此治膨脹之要藥

即針砂丸又名蛇含

石丸

蛇含石

大者三兩以新鍊銚盛入炭火中燒石與銚子一般紅用銚取蛇黃傾入醋中候冷研極細末聽用禹餘

糧

三兩真針砂五兩以水淘淨炒乾入餘糧一處用米醋二升就銚內煮醋乾為度後用銚并藥入炭火中燒

紅銚出傾藥淨磚地上候冷研細

以三物為主其次量人虛實入下項

治水多是取轉

惟此三物既非大戟甘遂芫花之比又有下項藥扶持故虛人老人亦可用

羌活

木香

茯苓

苓 川芎 牛膝 桂心 白豆蔻 大茴香

蓬朮 附子 乾薑 青皮 三稜 白蔞藜

當歸 各半兩酒浸一宿

右為末入前藥拌勻以湯浸蒸餅揆去水和藥再杵為丸梧子大食前溫酒白湯任下三十丸至五十丸最忌鹽一毫不可入

口舌則發疾愈甚但試服藥即於小便內旋去不動臟腑病日

三服兼以溫和調補氣血藥助之真神方也 此方兼治有形之積塊

越婢湯 金匱 越婢加朮湯 方見風門 五苓散 見通治 甘草乾薑茯苓白朮

湯 金匱即腎着湯見腰痛 十棗湯 見痰飲 防己黃芪湯 金匱見濕門

肺痿 附肺癰

金匱

問曰熱在上焦者因欬為肺痿肺癰之病從何得之師曰或從汗出或從嘔吐或從消渴小便利數或從便難又被快藥下痢重亡津液故得之曰寸口脉數其人嗽口中反有濁唾涎沫者何師曰為肺痿之病若口中辟辟燥欬即胸中隱隱痛脉反滑數此為肺癰欬唾膿血脉數虛者為肺痿數實者為肺癰 問曰病欬逆脉之何以知此為肺癰當有膿血吐之則死其脉何類師曰寸口脉微而數微則為風數則為熱微則汗出數則惡寒風中於衛呼氣

不入熱過於榮吸而不出風傷皮毛熱傷血脈風舍於肺其人則
 欬口乾喘滿咽燥不渴多唾濁沫時時振寒熱之所過血為之凝
 滯畜結癰膿吐如米粥始萌可救膿成則死 肺癰之疾膿成亦有
 愈者全在用藥變化
漢時治法 或未全耳 上氣面浮腫肩息其脈浮大不治又加痢尤甚 上氣
 喘而躁者屬肺脹欲作風水發汗則愈

肺痿方

甘草乾薑湯

金匱

肺痿吐涎沫而不欬者其人不渴必遺尿小便

數所以然者以上虛不能制下故也此為肺中冷必眩多涎唾

甘草乾薑湯以溫之若服湯已渴者屬消渴

甘草 四兩 乾薑 二兩
炙 泡

右二味以水三升煮取一升五合去滓分温再服
此乃治肺冷之方非肺痿

通用之方也 不得誤用

桂枝去芍藥加皂莢湯 千金 治肺痿吐涎沫

桂枝 各三兩 生薑 各三兩 甘草 二兩 棗 十五枚 皂莢 一枚去皮子炙焦

右五味以水七升煮取三升分三服
肺症生薑不可輕用

葶藶湯 千金 治欬有微熱煩滿胸中甲錯是為肺癰

葶藶 二升 薏苡仁 半升 桃仁 五十枚 瓜瓣 半升

右四味以水一斗煮葶藶得五升去滓內諸藥煮取二升服一

升再服當吐如膿此方最穩

桔梗白散外臺治欬而胸滿振寒脉數咽乾不渴時出濁唾腥臭

久久吐膿如米粥者為肺癰

桔梗 貝母各三分 巴豆一分去皮熬令如脂

右三味為散強人飲服半錢七羸者減之病在上膈者吐膿血

膈下者瀉出若下多不止飲冷水一杯則定

肺痿全屬內症肺癰乃係外科輕者煎藥可愈重者膿血已聚必得清火消毒提膿保肺等藥方能挽回否則不治所以金匱云始萌可救膿成則死也

甘草湯治肺痿見傷寒 炙甘草湯見通治 葶藶大棗瀉肺湯方見痰飲 十味丸方見

嗽咳

諸血

靈素

靈玉版篇嘔血胸滿引背脉小而疾是逆也 衄而不止脉大是

逆也 熱病篇欬而衄汗不出不至足者死

血枯 素腹中論帝曰有病胸脇支滿者妨於食病至則先聞腥

臊臭出清液先吐血四肢清目眩時時前後血病名爲何何以得

之岐伯曰病名血枯此得之年少時有所大脫血若醉入房中氣

竭肝傷故月事少不來也

諸血

六

溺血 素氣厥論胞移熱於膀胱則癰溺血 痿論悲哀太甚則胞絡絕胞絡絕則陽氣內動發則心下崩數溲血

金匱

夫吐血欬逆上氣其脉數而有熱不得卧者死 夫酒客欬者必至吐血此因極飲過度所致也 師曰尺脉浮目睛暈黃衄未止暈黃去目睛慧了知衄今止又曰從春至夏衄者太陽從秋至冬衄者陽明 衄家不可汗汗出必額上陷脉緊急直視不能眴不得眠 病人面無血色無寒熱脉沉弦者衄浮弱手按之絕者下血煩欬者必吐血 亡血不可發其表汗出即寒慄而振

瘀血 病人胸滿唇痿舌青口燥但欲漱水不欲咽無寒熱脉微
大來遲腹不滿其人言我滿爲有瘀血 病者如熱狀煩滿口乾
燥而渴其脉反無熱此爲陰伏是瘀血也當下之

病源

吐血有三種一曰內衄二曰肺疽三曰傷胃內衄者出血如鼻衄
但不從鼻孔出是近心肺間津出還流入胃內出如豆汁或如衄
血凝停胃裏因卽滿悶便吐或去數升乃至一斛是也肺疽者言
飲酒之後毒滿便吐吐已後有一合二合或半升一升是也傷胃
者是飲食大飽之後胃內冷不能消化則便煩悶強嘔吐之所食

之物與氣共上衝蹙因傷損胃口便吐血色鮮正赤是也此三種皆是吐

血與咳血迥別凡吐血之後體恒惓惓然心裏煩躁悶亂紛紛顛倒不安

寸口脉微而弱血氣俱虛則吐血關上脉微而芤亦吐血脉細沉

者生喘欬上氣浮大者死久不瘥面色黃黑無復血氣時寒時熱

此三者乃吐血症若嗽血屬肺又是一症多難治

舌血 心臟有熱則舌上出血

九竅出血 榮衛大虛腑臟傷損血脉流散脉數不得卧者死

汗血 肝藏血心之液為汗肝心俱傷於邪則汗血

外臺

便血 先血後便為遠血先便後血為近血

諸血方

血枯方

素問

以四烏鰂骨一蘆茹二物并合之丸以雀卵大如小豆以五丸

為後飯飲以鮑魚汁利腸中及傷肝也

後飯先藥後飯也烏鰂即烏賊治女子赤白漏

下令人有子蘆茹即茜草能益精通經雀卵即麻雀卵補精血治陰痿鮑魚即淡乾魚石首為勝能通血脉益陰氣

柏葉湯 金匱 治吐血不止

柏葉

乾薑

各三把 兩 艾

右三味以水五升取馬通汁一升合煮取一升分温再服

瀉心湯 金匱 治心氣不足吐血衄血此湯主之

大黃 二兩 黃連 二兩 黃芩 各一兩

右三味以水三升煮取一升頓服之

滋血潤腸湯 統旨 治血枯及死血在膈飲食不下大便燥

當歸 三錢 白芍 煨 生地 各一錢半 紅花 桃仁 炒 大黃 酒煨

枳殼 各一錢 韭汁 酒半盞

右八味以水一鍾半煎七分食前服

治吐血百治不瘥療十瘥神驗不傳方 千金

地黃汁 半升 大黃生末 一方寸七

右二味煎地黃汁三沸內大黃末調和空腹服之日三卽瘥

黃極少不過引
生地下達耳

犀角地黃湯 千金 治傷寒及温病應發汗而不汗之內蓄血者及

鼻衄吐血不盡內餘瘀血大便黑面黃消瘀血

犀角 一兩 生地黃 八兩 芍藥 三兩 丹皮 二兩

右四味咬咀以水九升煮取三升分三服喜妄如狂者加大黃
二兩黃芩三兩其人脉大來遲腹不滿自言滿者為無熱但依
方二味不必加

犀角地黃湯

主脉浮客脉芤相合血積胸中熱之甚血在上

焦此湯主之

犀角

大黃

各一錢

黃芩

三錢

黃連

二錢

生地

四錢

右五味水煎食後服

四生丸

類方

治吐血衄血血熱妄行

生荷葉

生艾葉

側柏葉

生地

等分

右搗爛丸如雞子大每服一丸水煎去滓服

以丸煎湯亦一法

白芨枇杷丸

戴氏

治咯血

白芨

一兩

枇杷葉

去毛蜜炙

藕節

各五錢

右為細末另以阿膠五錢蛤粉炒用生地汁調之火上頓化入

前藥爲丸如龍眼大每服一丸

此治肺血之方 枇杷藕節只宜作湯爲丸非法

皮膚血汗方

聖濟

郁李仁

去皮研一錢

以鷺梨搗汁調下

汗血方

經驗方

用人中白新瓦焙乾入麝香少許溫酒調服立效

諸竅出血方

聖惠方

頭髮

敗櫻

陳蓮蓬

並燒灰等分

右三味每服三錢木香湯下

療舌上出血如孔鑽者

千金

煎香薷飲汁服

療舌血不止 千金

用槐花炒為末摻上 蒲黃灰亦可摻

紫霜丸 治舌上出血竅如針孔

紫金砂 即露蜂房頂上實處研一兩 蘆薈 三錢 貝母 四錢

右為細末蜜丸櫻桃大每服一九煎化服吐血衄血用溫酒化服

療齒斷血出 外臺

竹茹四兩醋浸一宿含之

療酒醉牙齒涌血 外臺

燒釘赤炷血孔中即止此烙法也

雄黃麝香散 治牙斷腫爛出血

雄黃 血竭 白礬枯各一錢半 麝香一字 銅綠 輕粉

黃連 黃丹炒各一錢

右共為末研勻敷患處

治牙縫出血類方

以紙維子蘸乾蟾酥少許於血處按之立止

黃連散 治齒縫間出血吃食不得

黃連 白龍骨 牙硝各一兩 白礬一分 龍腦一錢

諸血 卷五

右爲細末每用少許敷牙根上

療滿口齒血出

枸杞子爲末煎湯漱之然後吞下立止根亦可 一方用子汁
含滿口更後吃

治牙宣方

用棉花核煨灰擦

療鼻瀝血三升氣欲絕方

千金

龍骨末一棗核許微以氣吹入鼻中卽斷更出者更吹之

茅花湯

活人書

治鼻衄

茅花每服三錢煎服不拘時

地黃散

元戎

治鼻衄久不愈

生地

熟地

地骨皮

枸杞子

右等分焙乾為末蜜湯調下

療淋血方

外臺

苧麻根十枚水五升煮取二升服神驗

療小便出血方

外臺

龍骨末二方寸七酒一升服之日三

瞿麥散

奇效

治血淋尿血

瞿麥穗 赤芍 車前子 白茅根 赤茯苓

桑白皮 石韋去毛 生乾地黄 阿膠炒 滑石 黃

芩 甘草炙各二錢

右為細末每服二錢入血餘燒灰二錢調服

神效方 治血淋

海螵蛸 生乾地黄 赤茯苓等分

右為細末每服一錢用柏葉車前子煎湯下

髮灰散 治血淋小便出血如尿

用亂髮燒灰入麝香少許每服一錢用米醋溫湯調下

玉屑散 治尿血并五淋砂石疼痛不可忍受者

黃芪 人參 等分

右爲末用蘿葡大者切一指厚三指大四五片蜜奄少時蘸蜜炙乾復蘸復炙盡蜜二兩爲度勿令焦至熟蘸黃芪人參末吃不以時仍以鹽湯送下製法奇

鹿角膠丸 濟生 治房勞傷小便尿血

鹿角膠 半兩 沒藥 另研 油頭髮繩 各三錢

右爲末茅根汁打麵糊丸桐子大每服五十九鹽湯下

黃土湯 金匱 治下血先便後血此遠血也

甘草 乾地黄 白朮 附子泡 阿膠

黃芩各三兩 灶中黃土半斤

右七味以水八升煮取三升分温三服

赤小豆當歸散金匱 治下血先血後便此近血也

赤小豆三升浸令芽出晒乾 當歸三兩

右二味杵散漿水服方寸七日三服

牛角鰓灰散外臺 治卒下血

黃牛角鰓一具燒赤色爲細末煮豉汁和二錢服重者日三

豬臟丸 治大人小兒大便下血日久多食易飢腹不痛裏不

急

先用海螵蛸炙黃去皮白者為末木賊草煎湯調下三日後效
後用黃連二兩嫩猪臟二尺去肥

右以黃連塞滿猪臟紫兩頭煮十分爛研細添糕糊丸梧子大
每服三五十丸食前米飲送下 此方治婦人血崩亦良

又猪臟丸 治痔漏下血

猪臟 一條洗淨捏乾 槐花 炒為末填入臟內兩頭紫定磁器內米醋煮爛

右搗和丸如梧子大每服五十丸食前當歸湯下

抵當湯 抵當丸 俱治瘀血 桃核承氣湯 治熱結膀胱小腸急結者以上三方俱見傷寒大

同卷九危 諸血

黃麤虫丸

百花煎

人參蛤蚧散

以上三方俱見虛勞

瓊玉膏

龍腦雞蘇丸

千金地黄湯

治亡血脫血鼻唇色白

無力者方

以上三方俱見通治

噎膈嘔吐

附關格

靈素

靈結根篇太陰為開厥陰為闔少陰為樞故開折則倉廩無所輸
 膈洞膈洞者取之太陰視有餘不足 上膈篇黃帝曰氣為上膈
 者食飲入而還出余已知之矣蠱為下膈 下膈名蠱似屬蟲為患當以治蟲之法治之
 下膈者食時乃出余未得其意願卒聞之岐伯曰喜怒不適食

飲不節寒溫不時則寒汗流於腸中流於腸中則虫寒虫寒則積
聚守於下管則腸胃充郭衛氣不營邪氣居之人食則虫上食虫
上食則下管虛下管虛則邪氣勝之積聚已留留則癰成癰成則
下管約其癰在管內者卽而痛深其癰在外者則癰外而痛浮癰
上皮熱 五味篇苦走骨多食之令人變嘔苦入於胃五穀之氣
皆不能勝苦苦入下脘三焦之道皆閉而不通故變嘔 四時氣
篇善嘔嘔有苦長太息心中憺憺恐人將捕之邪在胆逆在胃胆
液泄則口苦胃氣逆則嘔苦故曰嘔 經脉篇足太陰病舌本強
食則嘔胃脘痛腹脹善噫足厥陰所生病者胸滿嘔逆

素陰陽別論一陽發病少氣善欬善泄其傳爲膈 三陽結謂之
膈 至真要大論諸嘔吐皆屬於熱

關格 六節臟象論人迎一盛病在少陽二盛病在太陽三盛病
在陽明四盛以上爲格陽寸口一盛病在厥陰二盛病在少陰三
盛病在太陰四盛以上爲格陰人迎與寸口俱盛四格以上爲關
格關格之脉羸不能極於天地之精氣則死矣

此指關格之脉非病名也

金匱

嘔家有癰膿不可治嘔膿盡自愈 先嘔却渴者此爲欲解先渴
却嘔者爲水停心下此屬飲家嘔家本渴今反不渴者以心下有

支飲故也 問曰病人脉數數爲熱當消穀引食而反嘔者何也
師曰以發其汗令陽微膈氣虛脉乃數數爲客熱不能消穀胃中
虛故也 趺陽脉浮而濇浮則爲虛虛則傷脾脾傷則不磨朝食
暮吐暮食朝吐宿穀不化名曰胃反脉緊而濇其病難治 病人
欲吐者不可下之 嘔而脉弱小便復利身有微熱見厥者難治

傷寒論

脉上微頭小者則汗出下微本大者則爲關格不通不得尿頭無
汗可治有汗者死 寸口脉浮而大浮則虛大爲實在尺爲關在
寸爲格關則不得小便格則吐逆 趺陽脉伏而濇伏則吐逆水

穀不化瀆則食不得入名曰關格

此乃關格之病

按關格之症內經傷寒論所指不同內經所云是不治之症傷寒論所云則卒暴之疾當於通便止嘔方法隨宜施治可也

千金

走哺 下焦熱氣逆不續嘔吐不禁

外臺

五噎 夫五噎謂一曰氣噎二曰憂噎三曰食噎四曰勞噎五曰思噎雖有五名皆由陰陽不和三焦隔絕津液不行憂悲嗔怒所生謂之五噎噎者噎塞不通也

氣噎 陰陽不和寒氣填於胸膈故氣噎不通令人喘悸胸背痛

也

卒食噎 由臍冷而不理津液少而不能傳行飲食也

噎膈嘔吐方

茱萸湯 金匱 嘔而胸滿者此湯主之 乾嘔吐涎沫頭痛此亦主

之

茱萸

一升

人參

三兩

生薑

六兩

大棗

十二枚

右四味以水五升煮取三升溫服七合日三服

生薑瀉心湯

傷寒論

治胃中不和心下痞鞭乾噫食臭脇下有水氣

腹中雷鳴下痢

生薑

四兩

甘草

炙

人參

黃芩

各三兩

半夏

乾薑

各一兩

大棗

十二枚

右七味以水一斗煮取六升去渣煎取三升溫服一升日三服

生薑乾薑同用取辛以開之

半夏瀉心湯

金匱

嘔而腸鳴心下痞者此湯主之

半夏

半斤洗

黃芩

乾薑

人參

各三兩

黃連

一兩

大棗

十二枚

甘草

三兩炙

右七味以水一斗煮取六升去滓再煎取三升溫服一升日三

服

黃芩加半夏生薑湯 金匱 乾嘔而痢者此湯主之

黃芩 三兩 甘草 炙 芍藥 各二兩 半夏 半斤 生薑 三兩 大棗 十一枚

右六味以水一斗煮取三升去渣溫服一升日再夜一

猪苓散 金匱 嘔吐而病在膈上後思水者解急與之思水者此湯

主之

猪苓 茯苓 白朮 各等分

右三味杵為散飲服方寸匕日三服 傷飲惡飲此乃常理若胸中有大則渾液下流反口

乾思水但不

大半夏湯 金匱 反胃嘔吐者此湯主之

半夏 三升洗 完用 人參 三兩 白蜜 一升

右三味以水一斗二升和蜜揚之二百四十遍煮藥取二升半

温服一升餘分再服 其妙在用 甘爛水

大黃甘草湯 金匱 食已即吐者此湯主之

大黃 四兩 甘草 一兩

右二味以水三升煮取一升分温再服 此治上 焦之吐

茯苓澤瀉湯 金匱 胃反吐而渴欲飲水者此湯主之

茯苓 半斤 澤瀉 四兩 甘草 三兩 桂枝 二兩 白朮 三兩 生薑 四兩

右六味以水一斗煮取三升内澤瀉再煮取二升半温服八合

日三服

此治蓄飲之吐內澤瀉再煮似先煮五味後煮澤瀉

文蛤湯

金匱

吐後渴飲得水而貪飲者此湯主之兼主微風脉緊

頭痛

文蛤

五兩

麻黃

甘草

生薑

各三兩

石膏

五兩

杏仁

五十個

大棗

十二枚

右七味以水六升煮取二升温服一升汗出愈

文蛤亦入煎劑

生薑半夏湯

金匱

病人胸中似喘不喘似嘔不嘔似噦不噦心中

憤憤然無奈者此湯主之

半夏

半斤

生薑汁

一斤

右二味以水七升煮取二升內生薑汁煮取一升半小冷分四

服日三夜一服止停後服

此治寒飲之症內汁再煮似先煮半夏

半夏乾薑散

金匱

乾嘔吐逆吐涎沫此主之

半夏

乾薑

各等分

右二味杵為散取方寸匕漿水一升半煎取七合頓服之

此治胃寒

吐之

葛根加半夏湯

傷寒論

太陽陽明合病不下痢但嘔者主之

葛根

四兩

麻黃

三兩去節湯泡去黃汁焙乾

生薑

三兩

甘草

二兩炙

芍藥

二兩

桂枝

二兩去皮

大棗

十二枚

半夏

半斤泡

右八味以水一斗先煮葛根麻黃減二升去白沫內諸藥煮取

三升去渣溫服一升覆取微似汗

橘皮湯 金匱 乾嘔噦若手足厥者此湯主之

橘皮 四兩 生薑 半斤

右二味以水七升煮取三升溫服一升下咽即愈 此治胃氣不通之吐

橘皮竹茹湯 金匱 噦逆者此湯主之

橘皮 二升 竹茹 二升 大棗 三十枚 生薑 半斤 甘草 五兩 人參 一兩

右六味以水一斗煮取三升溫服一升日三服

黃連湯 傷寒論 傷寒胸中有熱胃中有邪氣腹中痛欲嘔吐者主之

藳臺軌範 卷五 壹膈嘔吐

黃連
甘草炙
乾薑
桂枝去皮各三兩
人參二兩
半夏半

斤
大棗十二枚

右七味以水一斗煮取六升去渣溫服一升日三夜一服邪氣寒氣

也故寒熱並用

昆布丸
治五噎咽塞食飲不下

昆布洗
麥冬
天冬
阿梨勒
木通
大黃

朴硝各一兩五錢
郁李仁
桂心
百合各一兩
羚羊角

杏仁
蘇子
射干各半兩
柴胡
陳皮
檳榔各二錢五

分

右藥蜜丸桐子大熱酒下每服三十丸不拘時

關格不通方 千金翼

芒硝

芍藥

杏仁

各四兩

枳實

一兩

大黃

半斤

地黃

二兩

右藥以水七升煮取三升分三服

千金理諸噎方

常食乾粳米飯即不噎

又方 奇方

炭末細羅丸如彈子大含少許細細咽津即下

中風客熱噎方 千金翼

一升
綿裹厚朴二兩 羚羊角三兩
炙三兩 削

右以水八升煮取三升分溫三服頻服

深師治噎方外臺

羚羊角 前胡 甘草 人參 橘皮各二兩

右五味以水六升煮取三升分四服

反胃方本事方

驢水即驢小便 日服二合後食微吐一半晡時又服二合人定時食

粥吐出便定

丁香柿蒂湯嚴氏 治寒呃

丁香 柿蒂 各二錢 人參 一錢 生薑 五片 煎服

治冷呃方

刀豆子 炙存性 酒服錢許

撞氣阿魏丸 局方 治五種噎疾九般心痛痧癖氣塊冷氣攻刺及

脾胃停寒胸滿膨脹嘔吐酸水丈夫小腸氣痛婦人氣血等疾

茴香 炒香 陳皮 去白 青皮 川芎 丁香皮 蓬莪朮

泡甘草 泡各一兩 縮砂仁 肉桂 去粗皮 生薑 四兩鹽醃炒黑 白芷 泡半兩

胡椒 二錢半 阿魏 二錢半醋浸一宿以麩為丸

右為末用阿魏九雞頭大每藥丸一斤用硃砂七錢為衣丈夫

噎膈九卷 卷五 噎膈嘔吐

氣痛炒鹽湯下一粒至二粒婦人血氣醋湯下常服一粒爛嚼

茶酒任下

此方純用通氣溫熱之藥有火者不宜服

此卷所載方論種種各殊然皆係嘔吐反胃水飲虫積等症非真膈病也膈病乃胃口枯槁之症百無一治論中雖有格脉格症而其形象俱未詳載必臨症多乃能識其真耳

旋復代赭湯

四逆湯

小柴胡湯

以上三方俱見傷寒

小半夏湯

方見痰飲

竹葉石膏湯

加生薑見通治

泄瀉

靈素

靈論疾疹尺篇飧泄脉小者手足寒難已飧泄脉小手足温泄易

已 玉版篇其腹大脹四末清脫形泄甚逆也 諸病暴注下迫

皆屬於熱

素陰陽應象大論清氣在下則生飧泄 春傷於風夏生飧泄

濕勝則濡泄 脉要精微論久風爲飧泄 平人氣象論泄而脫

血難治 玉機真臟論泄而脉大難治

難經

泄凡有五其名不同有胃泄有脾泄有大腸泄有小腸泄有大瘕
泄名曰後重胃泄者飲食不化色黃脾泄者腹脹滿泄注食即嘔
吐逆大腸泄者食已窘迫大便色白腸鳴切痛小腸泄者澀而便

膿血少腹痛大瘕泄者裏急後重數至圉而不能便莖中痛此五泄之要法也

泄瀉方

溫脾湯

本事方

主治錮冷在腸胃間泄瀉腹痛宜先取去然後調治

不可謂虛以養病也

厚朴

乾薑

甘草

桂心

附子

各二兩

大黃

四錢

右六味㕮咀取一兩水二鍾煎六分頓服

不可謂虛以養病此千古之要訣後人反

是

訶梨勒丸

濟生

治大腸虛冷泄瀉不止腹脇引痛飲食不化

訶梨勒麵裹煨 附子泡 肉豆蔻麵裹煨 木香 吳茱萸炒 龍

骨生用 白茯苓 葶撥等分

右為末生薑汁煮麵糊丸如梧子大每服七十九空心米飲下

香茸丸 消飲酒多遂成酒泄骨立不能食但再飲一二盞泄

作幾年矣

嫩鹿茸酥炙黃 肉豆蔻煨各一兩 生麝香另研一錢

右為末陳米飯為丸如梧子大每服五十九空心米飲下

固腸丸得效 治臟腑滑泄晝夜無度

吳茱萸 御粟殼 黃連各等分

右爲末醋糊丸如桐子大每服三十九丸空心米飲下

附子理中丸

局方

治脾胃冷弱心腹疼痛嘔吐瀉痢霍亂轉筋體

冷微汗手足厥冷心下逆冷滿悶腹中雷鳴飲食不進及一切

沉寒痼冷並皆治之

人參

一兩

附子

泡一枚

乾薑

泡

甘草

炙各一兩

白朮

土炒二兩

右爲末蜜丸每藥一兩作十九丸每服一丸以水一盞化開煎至

七分稍熱食前服

四君子湯

局方

六君子湯

歸脾湯

平胃散

補中益氣湯

枳實丸

消痞積止泄瀉

瀉黃散

五苓散

四神

丸霍香正氣散

局方 以上十方見通治

四逆散

治少陰泄瀉

大承氣湯

小承氣湯

調胃承氣湯

敗毒散

葛根湯

葛根黃芩黃連湯

以上七方俱見傷寒

厚朴七物湯

方見腹痛門

按泄瀉乃一時寒暖不調水穀不化或胃暑傷濕等症當擇清
淡消散之品一二劑即愈今所集方內多脾胃虛寒久病之方
隨症酌用可也

蘭臺軌範卷五終

卷六湯方目

奔豚湯

茯苓桂枝甘草大棗湯

桂枝加桂湯

備

急丸

貪食食多不消心腹堅滿痛治之方

蛟龍病方

療犬肉傷

療食鱠傷

療鱠癥

療蝨癥

療十年疰癖方

椒熨方

破癖湯

備急熨癥方

廣濟療驚癥

廣濟療米癥

療米癥羸瘦至死

廣濟療髮癥

積塊丸

治食索粉積方

易簡紅丸

大七氣湯

半硫圓丸

髮癥飲油方

食髮成

癥方

酒驚氣驚血驚方

蛇癥方

蛟龍病方

蛇瘕 腹內蛇瘕方 血瘕方 虱瘕 婦人狐瘕

方以上積聚癥瘕 甘草粉蜜湯 烏梅丸 療虯虫攻心腹痛

療虫蝕下部 療傷寒隱病 追虫丸 下虫丸

療寸白虫 又方 療濕隱虫 療蛔虫 療百

虫方 鶴虱散 胡粉丸 甘草瀉心湯 苦參湯

雄黃 赤小豆當歸散 療心痛欲死 蕪荑散

以上虫 頭痛方 又方 厥頭痛吐方 石膏散 透

頂散 痛風餅子 止痛太陽丹 氣攻頭痛方

治頭痛方 玉液湯 麤犀湯 祕方貼頭風熱病

清震湯

治頭內如蟲蛀響

玉真圓

茶調散以上

頭痛 栝藋薤白白酒湯

栝藋薤半夏湯

枳實薤桂枝湯

茯苓杏仁甘草湯

橘皮枳實生薑湯

薏苡仁附

子散

桂枝生薑枳實湯

赤石脂丸

九痛丸

大建中湯

療胸脾心痛方

慰背法

療心痛方

海蛤丸

失笑散

以上心胃痛

甘薑苓朮湯

青娥丸

加味小柴胡湯

摩腰膏

療腰痛方

又方

麋

茸丸

藥碁子

以上腰痛

厚朴七物湯

附子粳米湯

蒸

臍法

厚朴三物湯

大黃附子湯

以上腹痛 礬石湯

第

一竹瀝湯

烏麻酒

茱萸木瓜湯

蘓子粥

杉

木湯

栝榔散

木瓜散

雞屎白散

療轉筋方

延效療轉筋

轉經灸法

以上脚氣

蘭臺軌範卷六

吳江徐靈胎洄溪著

積聚癥痞

靈素

靈百病始生篇黃帝問於岐伯曰夫百病之始生也皆生於風雨寒暑清濕喜怒喜怒不節則傷臟風雨則傷上清濕則傷下三部之氣所傷異類願聞其會岐伯曰三部之氣各不同或起於陰或起於陽請言其方喜怒不節則傷臟臟傷則病起於陰也清濕襲虛則病起於下風雨襲虛則病起於上是謂三部至於其淫泆不

可勝數 黃帝曰積之始生至其已成奈何岐伯曰積之始生得

寒乃生四字乃成積之總訣厥乃成積也黃帝曰其成積奈何岐伯曰厥氣

生足惋惋生脛寒脛寒則血氣凝滯血氣凝滯則寒氣上入於腸

胃入於腸胃則臄脹臄脹則腸外之汁沫迫聚不得散日以成積

卒然多飲食則腸滿起居不節用力過度則絡脉傷陽絡傷則血

外溢血外溢則衄血陰絡傷則血內溢血內溢則後血衄為陽經之血宜涼

後血為陰經之血宜溫腸胃之絡傷則血溢於腸外腸外有寒汁沫與血相

搏則并合凝聚不得散而積成矣凡積未有不因血而成者卒然外中於寒若

內傷於憂怒則氣上逆氣上逆則六輸不通溫氣不行凝血蘊裏

而不散津液滯滲着而不去而積皆成矣 六元正紀大論大積

大聚不可犯也衰其大半而止過則死 骨空論任脉為病男子

內結七疝女子帶下瘕聚

息積 素奇病論帝曰病脇下滿氣逆二三歲不已是為何病岐

伯曰病名曰息積此不妨於食不可灸刺積為導引服藥藥不能

獨治也 積最宜外治

伏梁 靈邪氣臟腑病形篇心脉微緩為伏梁在心下上下行時

唾血 素腹中論帝曰人有身體髀股髻皆腫環臍而痛是為何

病岐伯曰病名伏梁此風根也其氣溢於大腸而着於盲盲之原

在臍下故環臍而痛也不可動之動之爲水瀉瀉之病

難經

病有積有聚何以別之然積者陰氣也聚者陽氣也故陰沉而伏陽浮而動氣之所積名曰積氣之所聚名曰聚故積者五臟所生聚者六腑所成也積者陰氣也其始發有常處其痛不離其部上下有所終始左右有所窮處聚者陽氣也其始發無根本上下無所留止其痛無常處故以是別知積聚也 五臟之積各有名乎以何月何日得之然肝之積名曰肥氣在左脇下如覆杯有頭足心之積名曰伏梁起臍上大如臂上至心下脾之積名曰痞氣在

胃脘腹大如盤肺之積名曰息賁在右脇下覆大如杯腎之積名曰賁豚發於少腹上至心下若豚狀或上或下無時

金匱

師曰病有奔豚有吐膿有驚怖有火邪此四部病皆從驚發得之師曰奔豚病從少腹起上衝咽喉發作欲死復還止皆從驚恐得之夫瘦人繞臍痛必有風冷穀氣不行而反下之其氣必衝不衝心下則痞問曰病有積有聚有聚有積何謂也師曰積者臍病也終不移聚者腑病也發作有時展轉痛移為可治聚氣者脇下痛按之則愈復發為聚氣

積聚皆有形聚氣則無形而有氣耳

病者腹滿按之不痛

爲虛痛者爲實可下之舌黃未下者下之黃自去 腹滿時減復
如故此爲寒當與溫藥 脉緊如轉索無常者有宿食也 蕤不
可共牛肉作羹食之成瘕病非亦然 醋合酪食之令人血瘕

病源

瘕瘕 皆由寒溫不調飲食不化與臟氣相搏結所生也其病不
動者直名爲瘕若病雖有結瘕而可推移者名爲瘕瘕瘕者假也
謂虛假可動也

蠶瘕 謂腹內有瘕結如蠶之形狀有食蠶觸冷不消生瘕者有
食諸雜物得冷不消變化而作者

蝨癥 人有多蝨而性好嚙之所嚙既多腑臟虛弱不能消之變

化生癥患者見蝨必嚙之不能禁止時從下部出亦能斃人

米癥 人有好啞米轉久彌嗜啞之若不得米則胸中清水出米

不消化遂生癥結其人常思米不能飲食久則斃腹內有人聲

有人腹內忽有人聲或學人語而相答此乃不幸致生災變非關

經絡臟腑冷熱虛實所爲也

服雷丸可愈

髮癥 有人因飲食內悞有頭髮隨食成癥胸喉間如有蟲上下

來去者是也

蛟龍病 三月八日蛟龍子生在芹菜上人食芹菜入腹變成蛟

龍其病之狀發則如癩

魚癥 有人胃氣虛弱者食生魚因爲冷氣所搏不能消之結成魚癥揣之有形狀如魚也

蛇癥 人有食蛇不消因腹内生蛇癥也亦有蛇之精液誤入飲食內食之其狀常若飢而食則不下喉食至胸內卽吐出其病在腹摸揣亦有蛇狀謂蛇癥也

酒癥 人有飲酒多而食穀少積久漸瘦遂常思酒不得則吐多睡不復能食是胃中有蟲使之然名爲酒癥也

腹內有毛 人因飲食內誤有毛隨食入腹則漸漸羸瘦但此病

不說別有證狀常自言因食毛以知之

積聚癥痞方

奔豚湯金匱奔豚氣上衝胸腹痛往來寒熱此主之

甘草 川芎 當歸各二兩 半夏四兩 黃芩二兩 生薑五兩

芍藥二兩 生薑四兩 甘李根白皮一升

右九味以水二斗煮取五升溫服一升日三夜一服

茯苓桂枝甘草大棗湯金匱發汗後臍下悸者欲作賁豚此湯主

之

桂枝四兩 茯苓半斤 甘草二兩 大棗十五枚

右四味以甘爛水一斗先煮茯苓減二升內諸藥煮取三升去渣溫服一升日三服

桂枝加桂湯

金匱

發汗後燒針令其汗針處被寒核起而赤者必

發賁豚

小腹上至心灸其核上各一壯與此湯

此灸法不循穴道亦

甚易

即桂枝湯加桂二兩

備急丸

金匱

治寒氣冷食積留胃中心腹滿痛大便不通

大黃

乾薑

各二兩

巴豆

一兩去皮研如脂

右先搗大黃乾薑為末內巴豆合搗千杵和蜜丸如豆大藏密

器中勿洩氣候用每服三四丸煖水或酒下

又主中惡心腹脹滿卒痛如錐刺氣急口噤如卒死者捧頭起

灌令下咽須臾當差不差更與三丸當腹中鳴即吐利便差若

口噤者須化從鼻孔用葦管吹入自下於咽此温下之法 口噤不能服藥者亦

法是一

貪食食多不消心腹堅滿痛治之方 千金

鹽一升水三升

右二味煮令鹽消分三服當吐出食便差

蛟龍病方 金匱 治春秋二時龍精帶入芹菜中人偶食之為病發

時手背腹滿痛不可忍

硬糖二三升日兩度服之吐出加蜥蜴三五枚差

療犬肉傷金匱治食犬肉不消心下堅或腹脹口乾大渴心急發

熱妄語如狂或洞下

杏仁一升合皮熟研用沸湯三升和汁分三服痢下肉片大驗

療食鱠傷金匱治鱠食之在心胸間不化吐復不出速下除之入

成癥病

橘皮一兩大黃二兩朴硝二兩

右三味以水一大升煮至小升頓服即消

療鱸癥 金匱 治食鱸多不消結為癥病

馬鞭草搗汁飲之或以薑葉汁飲之一升亦消又可服藥吐之

療蝨癥 千金 由蝨在腹生長為蝨癥 按此病發服水銀

故篋子一枚 故梳子一枚

右二味各破為兩分先取一分燒灰末之又取一分以水五升

煮取一升頓服前未盡少時當病出無所忌

療十年疔癬方 千金

桃仁 去皮尖雙 豉 乾泡去皮熬 蜀椒 去目閉口者 乾薑 搗篩
仁煮熬 搗篩各六升 生搗篩三升 搗篩三升

右四味先搗桃仁如膏合搗千杵如乾可入少蜜和搗令可丸

如酸棗大空腹酒服三丸日三仍熨法

椒熨方

千金翼

取新盆一口受一斗者鑽底上作三十餘孔孔上布椒三合椒上布鹽鹽上安紙兩重上布冷灰一升冷灰上安熱灰一升熱灰上安熟炭火如雞子大常令盆熱底安薄氈其口以板蓋上以手捉勿令落仰卧安於腹上逐病上及痛處自捉遣移熨之冷氣及癥結皆從下部中作氣出七日一易椒鹽滿三七日百病差乃止

破癥湯

千金翼

白朮

枳實炙

柴胡各三兩

右以水五升煮取二升分三服日三

備急製癥方

千金翼

吳茱萸

三升

以酒和煮熱布裏熨之

廣濟療驚癥

外臺

白馬尿

一升五合

溫服之令盡差

廣濟療米癥

外臺

其疾常欲食米若不得米則胸中出清水

雞屎

一升

白米

五合

搗散用水一升頓服

療米癥羸瘦至死

外臺

葱白 兩虎口切 烏梅 三十枚碎

右二味以水三升宿漬烏梅使得極濃清晨噉葱白隨飲烏梅汁盡頃之心腹煩欲吐即令出之三晨療之當吐出米瘰差無所忌

廣濟療髮癥 外臺

人因食誤食髮即胸間如有蟲上下惟欲飲油

油 一斤 以香澤煎之大錘鎊貯之安病人頭邊以口鼻臨油上

勿令得飲及傳之鼻面令有香氣當叫喚取飲不得與之必疲

極眠睡其髮當從口出飲油人專守視之并石灰一裏見瘰出

以灰粉手捉瘰抽出須臾抽盡即是髮也 奇法

積塊丸 治癥瘕積聚癖塊蠱積

京三稜

莪朮

各用醋煨

自然銅

蛇含石

各燒研各二兩

雄黃

蜈蚣

各一錢二分焙研

木香

一錢半

鍊花粉

用粳米醋炒一錢

辰砂

沉香

冰片

五分

蘆薈

天竺黃

阿魏

全蝎

焙乾各四錢

右爲末用雄猪胆汁丸如桐子大每服七八分

諸蟲皆效

治食索粉積方

用紫蘓煎濃汁加杏仁泥服之即散

易簡紅丸

破癥消瘕

蓬朮

三稜

橘皮

青皮

胡椒

乾薑

阿魏 礬紅

右水泛為丸每服六十九丸薑湯下又小兒脾胃之症極有神效

大七氣湯 治一切癥瘕

三稜 莪朮 各煨切 青皮 陳皮 去白 木香 霍香

肉桂 益智仁 甘草 各七錢五分

右咬咀每服五錢水二盞煎至一盞食前服

半硫圓丸 局方 除積冷溫脾胃一切瘕癖大便冷閉

硫黃 明淨好者研令極細用柳木錘子研過 半夏 湯洗七次焙乾為末

右等分以生薑自然汁同熬入乾蒸餅末攪和勻入白內杵數

百下圓如桐子大每服空心温酒或生薑湯下十五丸至二十

丸婦人醋湯下

髮癢飲油方夏子奇疾方

雄黃半兩

右爲末水調服之蟲自出

食髮成瘕方

猪脂二升酒三升

右以水煮三沸温服日三

酒驚氣驚血驚方直指治平時嗜酒血入於酒爲酒驚任氣血凝

酒驚氣驚血驚方直指治平時嗜酒血入於酒爲酒驚任氣血凝

於氣為氣驚虛勞痼冷敗血襍痰為血驚或附脇背或隱腸腹

須急治之

生硫黃末以老酒調下時時服之

此味人多畏之不敢輕服其實性甚和緩目覩有人服數

斤全無所害惟肌膚色黃而已

蛇癥方

千金翼

白馬尾切細酒服初服五分一七次服三分一七更服二分一

七不可頓服殺人

蛟龍病方

唐明皇襍錄云有黃門奉使交廣回太醫周顧曰此人腹中有

蛟龍上驚問對曰臣馳馬大庾嶺執困且渴遂飲澗水竟腹中
堅痞如石周遂以石硝雄黃煮服之立吐一物長數寸大如指
視之鱗甲皆具此疾遂愈

蛇癢

危氏方

治面光發熱如火灸

蒜汁一盃飲之吐出如蛇卽愈

腹內蛇癢方

易簡

誤食菜中蛇精成蛇癢或食蛇肉成癢腹中常飢食物卽吐以
赤足蜈蚣一條炙研末酒服

血癢方

甄氏

驚甲

大黃

琥珀

等分

右三味作散酒服二錢少時惡血卽下若婦人小腸中血下盡卽休服也

虱癢

喜食血

用極舊木梳煨灰服

婦人狐癢方

外臺

因月水來或悲或驚或逢疾風暴雨被濕致成

狐癢精神恍惚令人月水不通胸脇腰背痛引陰中小便難嗜

食欲吐如有孕狀其癢手足成形者殺人未成者可治

用新鼠一枚以新絮裹之黃泥固住入地坑中桑薪燒其上

日夜取出去絮人桂心末六銖為末酒服方寸匕不過一二服

當自下

瓜蒂散 金匱

大承氣湯

小承氣湯

調胃承氣湯

以上四方俱見

傷寒保和丸 丹溪

枳朮丸 潔古

皂礬平胃散

感應丸

上四方見通治阿

魏撞氣丸

方見

膈吐蛇含石丸

即禹餘糧丸見臑脹

蟲 附狐惑

靈樞

上膈篇蟲為下膈

其詳備載膈症門

蟲癢蛟蛭

厥病篇腸中有蟲癢及蛟蛭皆不可取以小針心腸

痛懷作痛腫聚往來上下行痛有休止腹熱喜渴涎出者是蛟蝮也
以手聚按而堅持之無令得移以大針刺之久持之蟲不動乃
出針也

金匱

虻蟲之爲病令人吐涎心痛發作有時毒藥不止 虻厥者當吐
虻令病者靜而復時煩此爲臍寒虻上入膈故煩須臾復止得食
而嘔又煩者虻聞食臭出其人當自吐虻狐惑之爲病狀如傷寒
默默欲眠目不得閉卧起不安蝕於喉爲惑蝕於陰爲狐不欲飲
食惡聞食臭其面目乍赤乍黑乍白

此皆傷寒餘毒所
結濕熱生虫也

病源

九蟲者一曰伏蟲長四分二曰虵蟲長一尺三曰白蟲長一寸四
曰肉蟲狀如爛杏五曰肺蟲狀如蠶六曰胃蟲狀如蝦蟆七曰弱
蟲狀如瓜瓣八曰赤蟲狀如生肉九曰螻蟲至細微形如菜蟲伏
蟲羣蟲之主也虵蟲貫心則殺人白蟲相生子孫轉大長至四五
尺亦能殺人肉蟲令人煩滿肺蟲令人咳嗽胃蟲令人嘔逆吐喜
噦弱蟲又名膈蟲令人多唾赤蟲令人腸鳴螻蟲居胴腸多則爲
痔極則爲癩因人瘡處以生諸癰疽癬痿病疥齧蟲無所不爲人
亦不必盡有有亦不必盡多或偏無者此諸蟲依腸胃之間若腑

良方集 卷六
三
臟氣實則不爲害若虛則能侵蝕隨其蟲之動而能變成諸患也
凡蟲毒有數種皆是變感之氣人有故造作之多取蟲蛇之類
以器皿盛貯任其自相噉擊惟有一物獨在者卽爲之蟲便能變
感隨逐酒食爲人患禍患禍於他則蟲主吉利所以不羈之徒畜
事之

齒慝 是蟲食齒至斷膿爛汁臭如屯之收故謂之齒慝

蟲方

甘草粉蜜湯

金匱

虬蟲之爲病令人吐涎心痛發作有時毒藥不

止此湯主之

甘草二兩 粉一兩 蜜四兩

右以水三升煮甘草取二升去滓內粉蜜攪令和煎如薄粥温服一升差即止

烏梅丸 治病者難而時煩因臟寒虵上入其膈為虵厥當吐虵

烏梅 三百個 黃連 一斤 黃檗 六兩 乾薑 十兩 附子 六枚 蜀椒 四兩
熬去

汗桂枝 六兩 細辛 六兩 人參 六兩 當歸 四兩

右十味異搗篩合治之以苦酒漬烏梅一宿去核蒸之五升米

下飯熟搗成泥和藥令相得內白中與蜜杵二千下丸如梧桐

子大先食飲服十九日三服稍加至二十九丸禁生冷滑物臭食

等

療虬蟲攻心腹痛

千金

用石榴根搗取汁平旦服亦可水煎

療蟲蝕下部

千金

胡粉 雄黃

右二味各等分爲末着穀道中亦治小兒

療傷寒慝病

千金

取生雞子小頭叩出白入漆一合熟和攪令極調當沫出更內着殼中仰吞之食頃或半日乃吐下蟲劇者再服蟲盡熱除病

愈

追蟲丸 八陣 治一切蟲積

黑牽牛 取頭末 枳榔 各八兩 雷丸 醋炙 南木香 各二兩為末 茵陳 二兩 大

皂角 苦楝皮 各一兩

右煎濃汁水為丸菜豆大大人每服四錢小兒三錢或二錢或

一錢半量人虛實用砂糖水吞下待追去惡毒蟲積三三次方

以粥補之 按濃煎汁水為丸原本如此必有誤字竟將水泛丸可也

下蟲丸 追蟲取積

苦楝皮 根皮為上樹面次之去面上粗皮

清室丸 卷六 蟲 左

右爲末麵糊丸彈子大如欲服藥宜戒午飯哺時預食油煎雞
卵餅一二個待上床時白滾湯化下一丸至五更取下異蟲爲
效

療寸白蟲

榧子 檳榔 蕪荑各等分爲末每二錢温酒調服先吃燒

牛肉脯後服食水瀉永除

又方

榧子四十九粒去皮以月上旬平旦空心服七枚日服盡蟲消成水永

瘥 又云食實七枚七日滿蟲化爲水

療濕蘆蟲千金翼

此症多是熱病後或久下不止或有客熱結在腹

中或遇暑濕涼氣者多生此病病亦有燥慙不甚洩痢而下部

瘡癢不問燥濕久則殺人為病診齒無色舌上盡白甚者滿口

有瘡四肢沉重喜眠如此者為蟲下食其肛肛爛盡見五臟即

死矣

黃連

生薑

切各十兩

艾葉

八兩

苦參

四兩

右四味啖咀以水一斗煮取三升為三服日三

療蛔蟲

病由勞熱傷心有蟲名蛔蟲長一尺貫心則死

雷丸

熬

橘皮

桃仁

各五分

狼牙

六分

貫眾

三枚

蕪荑

青箱子

乾漆

熬各四分

亂髮

如雞子燒

殭蠶

二十枚熬

右十味搗篩蜜丸以飲及酒空腹服二七九日再服

療白蟲方

外臺

石榴皮

東引者一握去瘡皮

檳榔

七枚

右以水二升煎減半頓服欲服時先嚼鹿脯咽汁即進之每月

一二三日吃藥必瘥以蟲頭向上月三五以後不效以蟲頭向

下也服藥前一日莫食其蟲吃藥之後或痢出或內消皆瘥忌

食生膾白酒諸冷物一月餘

鶴虱散

外臺

療蛔蟲心痛

鶴虱二分末温酢一盞和服之蟲當出

胡粉丸

外臺

療心痛不可忍似蛔蟲者

生胡麻

一合

胡粉

半合

熬搗

右二味先以猪肉脯一斤空腹啖咽汁勿咽肉後取胡粉和胡麻搜作丸以少清酒使成頓服盡十歲以上增減忌生冷猪血魚雞蒜醋等七日若是蛔蟲吐水者是也

甘草瀉心湯

金匱

治狐惑之為病狀如傷寒默默欲眠目不閉卧

起不安蝕於喉為惑蝕於陰為狐不欲飲食惡聞食臭其面目乍赤乍黑乍白蝕於上部則聲喝此湯主之蝕於下部則咽乾

苦參湯洗之蝕於肛者雄黃薰之

甘草 四兩 黃芩 人參 乾薑 各三兩 黃連 一兩 大棗 十二枚

半夏 半升

右七味水一斗煮取六升去滓再煎温服一升日三服

苦參湯 金匱 苦參一升水一斗煎取七升去渣薰洗日三

雄黃 金匱

雄黃一味爲末筒瓦二枚合之燒向肛薰之

赤小豆當歸散 金匱 病者脉數無熱微煩默默但欲卧汗出初得

之三四日目赤如鳩眼七八日目四眦黑若能食者膿已成也

此湯主之

赤小豆

三升浸令芽出曝乾

當歸

右二味杵為散漿水服方寸七日三服

療心痛欲死

外臺

濃搗地黃汁和麵作冷淘不用鹽服一頓蟲即出

蕪荑散

治蟲咬心痛欲驗之大痛不可忍或吐青黃綠水涎

沫或吐蟲發有休止

蕪荑

雷丸

各半兩

乾漆

碎研炒烟盡一兩

右共為末每服三錢調和服

諸痛 頭心胃
腰腹

靈素

靈終始篇病痛者陰也痛而以手按之不得者陰也

素舉痛論視其五色黃赤爲熱白爲寒青黑爲痛 調經論實者

外堅充滿不可按之按之則痛虛者聶辟氣不足按之則氣足以

溫之故快然而不痛 陰陽應象大論氣傷痛形氣腫故先痛而

後腫者氣傷形也先腫而後痛者形傷氣也 痺論痛者寒氣多

也有寒故痛也

頭痛

靈素

靈經脉篇足太陽膀胱脉動則病衝頭痛目似脫項如拔脊痛腰似折髀不可以曲脰如結踠如裂是爲踝厥 督脉之別名曰長強挾脊上項散頭上下當肩胛左右別走太陽入貫脊實則脊強虛則頭重 足少陽胆脉是主骨所生病者頭痛頷痛 厥病篇真頭痛頭痛甚腦盡痛手足寒至節死不治

素奇病論帝曰人有病頭痛以數歲不已此安得之名爲何病岐伯曰當有所犯大寒內至骨髓髓者以腦爲主腦逆故令頭痛齒亦痛病名曰厥逆

病源

高痰風厥頭痛 風痰相結上衝於頭即令頭痛數歲不已即連

腦痛手足寒至節即死 真頭痛亦必有痰

千金

卒頭痛頭痛如破非中冷又非中風是胸膈中痰厥氣上衝名爲

厥頭痛吐之即差

頭痛方

頭痛方 千金翼

葶藶子搗末以湯淋取汁洗頭良

又方千金翼

吳茱萸三升以水五升煮取三升以綿拭髮根良

厥頭痛吐方外臺治痰厥頭痛

但單煮茗作飲二三升許須臾適吐吐畢又飲能如是數過劇者須吐胆汁乃止不損人

石膏散寶鑑

川芎 石膏 白芷各等分

右為末每服四錢熱茶清調下此治風火頭痛之方

透頂散本事方治偏正頭風夾腦風并一切頭風不問遠年近日

細辛 二莖 瓜蒂 七分 丁香 三粒 糯米 七粒 腦子 麝香 各一 黑豆

大

右將腦麝研細將前四味另研細然後合研令勻封好患人在

左右搖一大豆許良久出涎一升許則安

痛風餅子 聖惠

五倍子

全蝎

土狗

各八分

右為末醋丸作如錢大餅子發時再用醋潤透頂太陽穴上灸

熱貼之仍用帕子縛之吸濃茶睡覺自愈

止痛太陽丹 奇效

天南星

川芎

等分

右爲末同蓮鬚葱白搗爛作餅貼太陽痛處

氣攻頭痛方

奇效

革麻子

乳香

等分

右搗爛作餅貼太陽穴上如痛止急去頂上解開頭髮出氣卽

去藥

治頭痛方

奇效

用大蒜一顆去皮研取汁令病人仰卧以銅筋點少許滴鼻中
急令搐入腦眼中淚出差

玉液湯

濟生

治眉稜骨痛

半夏六錢泡湯七次切片作一服加生薑十片水煎去渣納沉

香末少許服

麝犀湯

濟生

治暗風頭旋眼黑昏眩倦怠痰涎壅盛骨節疼痛

羚羊角屑

旋覆花

紫苑

石膏

甘草

各一兩細

辛

牛兩

前胡

七錢半

犀角屑

二錢半

右藥每服三錢加生薑三片大棗一枚水煎服

秘方貼頭風熱病

大黃

朴硝

等分

右為末用井底泥捏作餅貼兩太陽穴頭風皆屬寒此獨為熱不可不備

清震湯保命治頭面疙瘩增寒拘急發熱狀如傷寒即雷頭風

升麻各四錢蒼朮全者一個水煎食後服楊梅毒入頭亦有此病當用治毒之

方治之

治頭內如蟲蛙響 此名天白蟻

用茶子末吹鼻中此奇病不可不知

玉真圓本事方治腎氣不足氣逆上行頭痛不可忍謂之腎厥其脉

舉之則弦按之則石堅

硫黃二兩石膏煨通赤研半夏柴湯洗各一兩硝石一錢五分

諸痛頭

右為細末研勻生薑汁糊丸如梧子大陰乾每服二十九或薑

湯或米飲下更灸關元穴百壯

茶調散 局方 治諸風上攻頭目昏重偏正頭痛鼻塞身重及婦人

血風攻疰太陽穴疼

白芷 甘草 羌活 各二兩 荆芥 去梗 川芎 各四兩 細辛 去蘆 一兩

防風 一兩半 薄荷 葉不見 火八兩

右為細末每服二錢食後茶清調下常服清頭目

頭風摩散 方見 風門

頭風有偏正之殊其病皆在少陽陽明之絡以毫針刺痛處數穴立效其外有瘡毒入頭名楊梅頭痛此乃外科之症另有治

法

心胃痛

靈樞

厥病篇厥心痛與背相控善痰如從後觸其心偃倭者腎心痛也
厥心痛痛如以錐鍼刺其心心痛甚者脾心痛也厥心痛色蒼蒼
如死狀終日不得太息肺心痛也厥心痛卧若徒居心痛間動作
痛益甚色不變肺心痛也真心痛手足清至節心痛甚且發夕死
夕發旦死

千金

胸痺令人心口堅痞急痛肌中苦痺絞痛如刺不能俯仰胸前皮皆痛手不得犯短氣咳唾引痛咽塞痒燥時欲嘔吐煩悶自汗出或引背痛不治數日死

外臺

九種心 一蟲 二注 三氣 四悸 五食 六飲 七冷

八熱 九去來痛

惡注心痛 中惡心痛心腹絞刺奄奄欲絕

近人患心胃痛者甚多十人之中必有二三皆係痰飲留於心下久成飲囊發作輕重踈數雖各不同而病因一轍治法以滌飲降氣為主凡病竟有時代之不同如近三十年中咳嗽吐血者十人而五余少時此病絕少亦不可解也

心胃痛方

栝婁薤白白酒湯

金匱

胸痺之病喘息欬唾胸背痛短氣寸口脉

沉而遲關上小緊數此湯主之

栝婁

一枚

薤白

半斤

白酒

七升

右三味同煮取三升分温再服

栝婁薤半夏湯

金匱

胸痺不得卧心痛徹背者此湯主之即前方

加半夏半升

枳實薤桂枝湯

金匱

胸痺心中痞氣氣結在胸胸滿脇下逆搶心

此湯主之人參湯亦主之

枳實 四枚 厚朴 四兩 薤白 半斤 桂枝 一兩 栝婁 一枚

右五味以水五升先煮枳實厚朴取二升去渣內諸藥煮數沸

分温三服

人參湯 金匱即理中湯

茯苓杏仁甘草湯 金匱 胸痺胸中氣塞短氣此湯主之橘枳薑湯

亦主之

茯苓 三兩 杏仁 五十枚 甘草 一兩

右三味以水一斗煮取五升温服一升日三不差更服

橘皮枳實生薑湯 金匱

橘皮 一升
根實 三兩
生薑 半斤

右三味以水五升煮取二升分温再服

薏苡仁附子散 金匱
胸痺緩急者此主之

薏苡仁 十五兩
大附子 十枚

右二味杵為散服方寸匕日三服

桂枝生薑枳實湯 金匱
心中痞諸逆心懸痛此湯主之

桂枝 各三兩
生薑 各三兩
枳實 五枚

右三味以水六升煮取三升分温三服

赤石脂丸 金匱
心痛徹背背痛徹心此主之

諸痛心胃

蜀椒 一兩
烏頭 一分
附子 半兩
乾薑 一兩
赤脂 一兩

右五味末之蜜丸如梧子大先食服一丸日三服不知再加治此

大寒之症

九痛丸 金匱 治九種心疼

附子 三兩 泡
狼牙 一兩 炙香
巴豆 一兩 去皮心 熬研如脂
人參
乾薑
茱

萸 各一兩

右六味末之煉蜜丸如梧子大酒下強人初服三丸日三服弱者二丸 兼治卒中惡腹脹痛口不能言又治連年積冷流注心胸痛并冷氣上衝落馬墜車血疾等皆主之忌口如常法

大建中湯 金匱 心胸中大寒痛嘔不能飲食腹中寒上衝皮起出

見有頭足上下痛不可觸近此主之

蜀椒 二合 去汗 乾薑 四兩 人參 二兩

以水四升煮取二升去渣內膠飴一升微火煎取一升半分溫再服如一炊頃可飲粥二升後更服當一日食糜溫覆之

療胸痺心痛方 千金

灸臆中百壯穴在鳩尾上一寸 此灸神效百壯灸瘡愈再灸非一日滿百壯也

熨背法 千金翼 治胸痺心背疼痛氣悶

烏頭 細辛 附子 羌活 蜀椒 桂心 各一兩

諸痛心胃

川芎 一兩三錢半

右共為散以少醋拌綿裹微火炙令煖以熨背上

療心痛方 外臺

生油半合温服瘥 此乃治蟲痛之方

海蛤丸 丹溪 治痰飲心痛

海蛤 燒灰為末過數日火毒散用 瓜蘖仁 研

右以海蛤入瓜蘖內乾濕得所為丸每服五十丸

失笑散 經驗 治婦人心痛氣刺不可忍

五靈脂 蒲黃 等分

每用二錢醋熬膏入水煎服

此方治瘀血犯心

鶴蝨散

外臺

胡粉丸

外臺

療心痛如蟲嚙方

外臺

蕪荂散

以上四方俱見

門平胃散

見通治

半夏瀉心湯

見膈吐

腰痛

靈樞

經脉篇肝足厥陰也是動則病腰痛不可以俯仰 終始篇刺諸痛者其脉皆實從腰以上者手太陰陽明皆主之從腰以下者足太陰陽明皆主之病在腰者取之膈

病源

廣事車錄 卷六
腎主腰脚腎經虛損風冷乘之故腰痛也又邪客於足少陰之絡令人腰痛引小腹不可以仰息診其尺脉沉主腰背痛尺寸俱浮直下此爲督脉腰强痛

風濕腰痛 勞傷腎氣經絡既虛或因卧濕當風風寒乘虛搏於腎腎經與血氣相擊而腰痛

腎着腰痛 腎主腰脚腎經虛則受風冷內有積水風水相搏浸積於腎腎氣內着不能宣通故令腰痛其痛狀身重腰冷腹重如帶五千錢如坐于水形狀如水不渴小便自利飲食如故久久變爲水病腎濕故也

背倭 肝主筋而藏血血爲陰氣爲陽陽氣精則養神柔則養筋
陰陽和同則血氣調適共相榮養也邪不能傷若虛則受風風寒
搏于脊脊之筋冷則攣急故令背倭

脇痛 邪氣客于足少陽之絡令人脇痛欬汗出陰氣擊于肝寒
氣客于脉中則血泣脉急引脇與小腹診其脉弦而急脇下如刀
刺狀如飛尸至困不死 脇痛屬足少陽
不屬足厥陰

腰痛方

甘薑苓朮湯

金匱

腎着之病其人身體重腰中冷如坐水中形如

水狀反不渴小便自利飲食如故病屬下焦身勞汗出衣裏冷

高臺車第 卷一
濕久久得之腰以下冷痛腹重如帶五千錢

甘草

白木

各二兩

乾薑

茯苓

各四兩

右四味以水五升煮取三升分溫三服腰中即溫

青娥丸

局方

治腎虛為風冷所乘或處濕地或墜墮傷損或因風

寒皆令腰間似有物垂墜也悉主之

胡桃

二十個去殼皮

破故紙

酒炒六兩

蒜

四兩熬膏

杜仲

薑汁炒十六兩

右共為末丸如桐子大溫酒下婦人淡醋湯下三十丸

加味小柴胡湯

良方

治傷寒脇痛

柴胡

二錢

半夏

半錢

黃芩

二錢

人參

一錢五分

牡蠣粉

一錢

枳殼

一錢

錢甘草一錢

右作一服薑五片紅棗二枚煎服

摩腰膏丹溪治老人腰痛婦人白帶

附子尖 烏頭尖 南星各二錢半 硃砂 雄黃 樟腦

丁香各一錢半 乾薑一錢 麝香大者五粒

右共為末蜜丸龍眼大每一丸用生薑汁化開如厚粥火上烘

熱放掌上摩腰中候藥盡貼腰上即烘綿衣縛定腰熱如火間

二日用一丸此法近有人專用此治形體之病凡虛人老人頗有效驗其術甚行又此方加入倭硫黃人參鹿茸沉香安息等大補之品摩虛損及老人更妙又一法以

麻油黃蠟為丸如胡桃大烘熱摩腰上俟腰上熱然後紮好一

者富要

丸可用數十次
中病亦可摩
腹

療腰痛方

良方

杜仲

肉蓯蓉

破故紙

人參

當歸

秋石

川巴戟

鹿角霜

各等分

右後末用猪腰子一個洗淨淡鹽湯泡過劈開兩邊中間勿斷
細花開用前藥滲入另用稀絹一塊包裹綿紮外用小罐入酒
少許紙封毋令走泄藥氣煮熟取食之飲醕酒三杯立愈

又方

奇效

胡桃肉

補骨脂

杜仲

各四兩

右作二貼每貼用水二盞煎服

麋茸丸

本事

治腎虛腰痛

麋茸

一兩鹿角亦可

兔絲子末

一兩

舶上茴香

半兩

右為末用羊腎一對酒煮爛去膜研和丸桐子大如羊腎少入酒糊佐之每服三五丸溫酒或鹽湯下

藥碁子

本事方

治腰腿痛氣滯

牽牛不狗多少用新瓦入火煨得通紅便將牽牛頓在瓦上自然半生半熟不得撥動取末一兩入細研硫黃一錢同研勻分三分每用白麵一匙水和捍開切作碁子大五更初以水一盞

煮熱連湯温送下如住卽已未住隔日再作予嘗有此疾每發

止一服痛止

二神丸

本事方

左金丸

俱見通治

按腰痛屬虛者固多而因風寒痰濕氣阻血凝者亦不少一概蠻補必成痼疾不可不審

腹痛

金匱

跌陽脉微茲法當腹滿不滿者必便難兩胠疼痛此虛寒從下上也當以温藥服之病者腹滿按之不痛爲虛痛者爲實可下之舌黃者下之黃自去腹滿時減復如故此爲寒當與温藥夫

中寒家喜欠其人清涕出發熱色和者善噫 中寒其人下痢以
裏虛也欲噫不能此人肚中寒 夫瘦人繞臍痛必有風冷穀氣
不行而反下之其氣必衝不衝者心下則痞

傷寒論

病人不大便五六日繞臍痛煩燥發作有時者此有燥屎故使不
大便也 太陰之爲病腹滿而吐食不下自痢益甚時腹自痛若
下之必胸中結鞭 傷寒五六日腹中痛若轉氣不趣小腹者此
欲自痢也

腹痛方

厚朴七物湯 金匱 病腹滿發熱十日脉浮而數飲食如故此湯主

之

厚朴 半斤 甘草 各三兩 大黃 十枚 枳實 五枚 桂枝 二兩

生薑 五兩

右七味以水一斗煮取四升温服八合日三服嘔者加半夏五

合下痢去大黃寒多者加生薑至半斤

附子粳米湯 金匱 腹中寒氣雷鳴切痛胸脇逆滿嘔吐此湯主之

附子 一枚 半夏 半升 甘草 一兩 大棗 十枚 粳米 半升

右五味以水八升煮米熟湯成去滓温服一升日三服

蒸臍法 亦可隨病所在蒸之外科寒症亦能蒸散

丁香 木香 半夏 南星 川烏 歸身

肉桂 麝香 冰 乳香 大黃 硝 山甲

雄黃 蟾窠 白蔻

右為粗末放麵圈內上用銅皮一片多鑽細眼用艾火炙銅皮上每日十餘火滿三百六十火病除藥味亦可因症加減其藥用燒酒薑汁等拌濕

厚朴三物湯 金匱 痛而閉者此湯主之

厚朴 八兩 大黃 四兩 枳實 五枚

右三味以水一斗二升先煮二味取五升內大黃煮取三升溫服一服以痢爲度

大黃附子湯

金匱

脇下偏痛發熱其脉緊弦此寒也以溫藥下之

宜此湯

大黃

三兩

附子

三枚

細辛

二兩

以水五升煮取二升分溫三服強人煮取二升半分溫三服服後如人行四五里進一服

黃連湯

見嘔吐

小建中湯

見虛勞

桂枝加大黃湯

大柴胡湯

小柴胡湯

大承氣湯

桂枝加芍藥湯

理中湯

四逆湯 以上俱見傷寒 蘇合丸 見通治

脚氣 附轉筋

千金

諸經方有脚氣之論古人少有此疾 脚氣之名金匱已載但患者少耳 自永嘉南

渡衣纓士人多有遭者有支法存仰道人等並留意經方偏善斯

術多獲全濟又宋齊之間釋門深師述二公等諸家舊方為二十

卷其脚弱一方近百餘首魏周之代蓋無此病所以姚公集驗殊

不慙歎徐王撰錄未以為意特以三方鼎峙風教未一霜露不均

寒暑不等關西河北不識此疾自聖唐開闢無外南極之地作鎮

於彼往往皆遭近來中國士大夫亦有患者良由今代風氣混同
 所致耳此病先從脚起因卽脛腫時人號爲脚氣深師云脚弱者
 卽其義也 問風毒中人隨處皆得作病何偏着於脚答曰人有
 五臟心脉經絡所起在手十指餘三臟經絡所起在足十趾地之
 寒暑風濕皆作蒸氣足常履之所以風毒之中人必先中脚久而
 不瘥徧及四肢腹背頭項經云次傳間傳是也凡脚氣皆感風毒
 所致治脚氣必兼風此乃要訣人多不卽覺會因他病一度始發或奄然大悶
 經兩三日乃覺庸醫不識作餘病治莫不盡斃始起甚微飲食如
 故惟卒起脚屈弱不能動爲異耳黃帝云緩風濕痺是也 有脚

氣未覺而頭項臂膊已有所苦諸處未知而心腹五內已有所困
或嘔食臭腹痛下痢二便不通衝悸不欲見光精神昏憤迷忘錯
亂壯熱頭痛身體酷冷疼痛轉筋頑痺緩縱百節攣急小腹不仁
等症皆脚氣狀貌也亦云風毒脚氣之候婦人亦爾又有產後取
涼多中此毒其熱悶掣癡驚悸心煩嘔吐氣上皆其候也又但覺
臍下冷痞幅幅然不快小便淋瀝卽是其候頑弱名緩風疼痛爲
濕痺 熱者治以冷藥冷者療以熱藥以意消息之 諸病皆然 心下急
氣喘不停自汗脉促嘔吐不止者死 凡脚氣皆由氣實而死終
無一人服藥致虛而殂故不得大補亦不可大瀉

凡治病大

段相同 脚氣

其人黑瘦者易治肥大肉厚赤白者難治瘦人肉硬肥人肉軟也
外症亦同脚氣有腫者有不腫者其小腹頑痺不仁者脚多不腫小腹
 頑後不過三五日即令人嘔吐名脚氣入心如此者難治以腎水
 尅心火也 初得脚弱便速灸之服竹瀝湯灸訖服八風散無不
 瘥者若但灸不服藥但服藥不灸後必更發

脚氣當灸之穴

初灸風市 次伏兔 次犢鼻 次膝兩眼 次三里 次上廉

次下廉 次絕骨

病源

脚氣疼不仁 由風濕毒氣與血氣相搏故疼邪在膚腠則血氣
澁而皮膚厚搔之如膈衣故不仁

脚氣痺攣 風毒搏於經風濕乘於血故令痺攣也

脚氣心腹脹急 風濕毒氣從脚上入於內與臟氣相搏結聚不
散故心腹脹急

脚氣腫滿 由風濕毒氣搏於腎經則腎氣不能宣通水液使傳
於小腸反漬於皮膚故腫滿也

脚氣驚悸 由溫濕挾風毒初客膚腠後經腑臟與神氣相搏則
心驚悸也

脚氣轉筋 靈樞四時氣篇轉筋於陽治其陽轉筋於陰治其陰
本輸篇轉筋者立而取之可令遂已

脚氣方

礬石湯

金匱

治脚氣衝心

礬石

二兩

以漿水一斗五升煎浸脚良

第一竹瀝湯

千金

治兩脚痺弱或轉筋皮肉不仁腹脹起如腫按

之不陷心中惡不欲食或患冷方

竹瀝

五升

甘草

秦艽

葛根

黃芩

麻黃

防己

細辛

桂心

乾薑

各一兩

防風

升麻

各一兩半

茯苓 二兩 附子 二枚 杏仁 五十枚

右十五味以水七升合竹瀝煮取三升分三服取汗 此脚氣主方多治風

藥之

烏麻酒 千金 治風虛氣滿脚疼痺攣弱不能行

烏麻 五升 微熬搗酒漬一宿隨所能飲之盡更作

茱萸木瓜湯 治脚氣衝心悶亂不識人手足脉欲絕

吳茱萸 半兩 木瓜 一兩 檳榔 二兩 生薑 五片 水煎服

蘇子粥 養老書 治老人脚氣毒悶身體不仁行履不能

紫蘇子 五合 熬研細 粳米 四合 淨 以水投取汁洗淘

右煮作粥臨熟下蘇汁調之空心食之日一服亦温中

杉木湯

本事方

唐柳柳州云元和十二年二月得脚氣夜半痞絕脇

有塊大如石且死困塞不知人三日滎陽鄭洵美杉木湯服半

日食頃大小便三次氣通塊散

用杉木節一大升橘葉一升無葉以皮代之大腹栝榔七個合

子碎之童子小便三大升共煮一升半分二服若一服得快痢

停後服

栝榔散

活人書

治脚腫

橘葉

一大握

沙木

一握

小便

一盞

酒

半盞全以藥煎

右煎數沸調栳榔末二錢食後服即前方變法

木瓜散活人書治脚氣

大腹皮一枚 紫蘇一分 乾木瓜一分 甘草一分 木香一分 羌活一分

一分

右細剉為散分作三服每用白水一盞煎至半盞去滓通口服

雞屎白散金匱 轉筋之為病其人臂脚直脉上下行微弦轉筋入

腹者

雞屎白一味為散取方寸匕以水六合和温服

療轉筋方外臺

以鹽一升水一升半作湯洗漬良

延效療轉筋

外臺

并治渾身轉筋

煖水稍熱于浴斛中坐浸須臾便差如湯沃雪

轉筋灸法

外臺

轉筋在兩臂若胸脇者灸手掌白肉際七壯 在十指者灸手

踝骨上七壯 在脛骨者灸膝下廉筋上三壯 又法灸涌泉

七壯亦可灸大都七壯 穴在足大母指本節內側白肉際 腹腸轉筋者灸臍上

一寸十四壯

烏頭湯

見風痺

麻豆湯

見水腫

大活絡丹

崔氏八味丸

即腎氣丸俱見通治